

Jí² gasii¹in San Pablo tíi²i Filemón

Síi¹i Poo² jí² tya' Filemón

1 1 Jna-a, Poo², síi³na 'e jí² lo tyi'i, Filemón, 'in jmoo¹o to² coon¹³ jna'. Síi¹mo jon ru¹u' Timoteo. Jna-a, Poo², 'yuu²na 'nuñi³ 'wii¹³ cwóo³oo júu³ tyú² tya' Cristo Jesús. **2** Síi³na jon 'e jí² lo tya' 'in tsá² jai² líi² júu³ tya' Jesucristo 'in uncaain²¹ inuu tyi'i joongi tya' ru¹u' Yá² Apia coon¹³ Arquipo 'in jmoo¹o to² coon¹³ jna'. **3** Cwocwo¹o Dios Jmii²¹ coon¹³ Ña'ñu¹u' Jesucristo fo'fee¹ 'naa' joon 'e ñii²oo' 'e jløø¹³mo Dios Jmii²¹ coon¹³ 'naa'.

Xiiala 'iin²¹²in Filemón tsá²

4 Coon²¹ tøø²mo cwo³oo 'maai¹³ Dios Jmii²¹ joon mí³ii tyani¹i 'wii²¹² tyi'i **5** tsu nanúu³oo xiiala 'iin²¹²mo'o Ña'ñu¹u' Jesús joon xiiala tsáa¹mo-'o'o 'ii joongi xiiala 'iin²¹²mo'o jilee¹²¹ 'in tsáa¹-tsi Jesucristo. **6** Mí³ii tyani Dios 'e jilaa¹²¹ 'e tyú² jmoo²o wii¹³ ja²mo líi²u Jesucristo ilí² 'e¹²e tsá² jilaa¹²¹ 'e tyú² ngóo¹ 'naai¹³ jmoo¹o Dios tyi', joon **7** fúu¹mo tsá² 'in jai² líi² nigatya¹²a-tsi joon 'iin²¹²mo'o jilee¹²¹e'e tsu 'wii¹³ joon 'áa¹mo jløø¹³na joon tyáa³-tsii 'wii¹³ 'nu tsaru¹u'.

Poo² mii¹i tyani Filemón 'wii²¹² tya' Onésimo

8 'Wii¹³ joon jmaa²a feei²¹-'o'o 'wii¹³ tyiia. Jo 'iin²¹²na tyu³uu to² tyi'i la tíi²moo tyu³uu to² tsu líi¹na apóstol tya' Jesucristo. **9** Pe jna-a, Poo², 'iin²¹²na mí³ii tyani¹i 'e jmaa²a feei¹-'o'o 'wii²¹² tyiia tsu 'wii¹³ 'iin²¹²mo'o jna. Jna-a nayuu¹³na joon 'yuu²¹²na 'nuñi³ cwáain¹ tya' Cristo Jesús. **10** Mí³ii tyani¹i cwáain¹ tya' Onésimo 'in líi¹ lawa'a xuui²¹² tyiia tsu 'wii¹³ jo¹o galíi² Jesucristo la 'ii²¹² 'yuu²¹²na 'nuñi³.

11 Tsá² 'in galée¹³u'u 'ii joon jo 'ee to² gali'in³ tyi'i tsu gacwiin¹o. Pe nano-o 'iin³ 'ido to² tyi'i la joon jon 'ii³mo to² tyiia. **12** Síi³na Onésimo fu tyi'i tún¹. 'Áa¹mo fúu² líi²na lawa'a 'ñiia'o jmá²a feei¹-'o'o 'wii²¹² tya'a, 'ii¹³mo'o. Waxu³u li jo líi¹i tsá² tyi'i. **13** 'iin²¹²na iján² Onésimo lo la 'ii²¹² 'yuu²¹²na 'nuñi³ cwáain¹ tya' júu³ tyú² tya' Dios. Joon coon¹³ la joon lí² unjii²in jna cwáain¹ tyi'i. **14** Pe jo 'iin²¹²na jmáa³aa jiin¹³ coon²¹ wana jo cwo²o júu³ tyi'i. Tsu jo 'iin²¹²na ijmaa²a coon²¹ 'e tyú² tyiia tyitsái¹ pe 'iin²¹²na 'e 'yaa¹-'o'o. **15** Gacwo'íi¹o Onésimo tyi'i joon no gaa¹³mo tún¹ joon no 'ii¹³mo'o jo cwo'íi¹gi. **16** Pe la no jo lí² jmaa¹³gi'i cwáain¹ 'e galée¹³u'u tsu ni ja³mo líi² Jesucristo. 'Ii¹³mo'o 'ii lawa'a tsaru²¹mo'o 'in 'née²mo'o. 'Iin²¹²moo 'ii 'áai¹ pe 'nu ili'in²¹²u'un 'i 'áai¹gi tsu tsá² tyi-o'o 'ii. Joongi ja²mo líi²i Ña'ñu¹u'.

17 Pe joon wana 'i¹-'o'o la 'i¹-tsii la 'oo²¹² jna' tsá² cwo²¹o' júu³ tyú² tya' Jesucristo 'ii¹³mo'o 'ino lawa jna. **18** Joon wana na'laa¹a tyi'i si røø¹

tyi'i 'ee, jna-a icí³ii cwáain¹ tya'a. **19** Júu³ tyiia 'e gataan¹ Onésimo ni jí². Jna-a, Poo², 'in gatóon³oon 'e la fo³oo icí³ii tyi'i wana røø¹i tyi'i. Pe jo fuu²¹²uu 'nũ xiiati røø²'u tyiia xufiin¹³ jna-a cwoo¹³oo 'nũ júu³ tyú² tya' Dios. **20** Tsaru¹'u, jmaa²'a coon²¹ 'e tyú² tyiia tsu jo¹'o líi²'na' Ña'ñũ¹'ũ'. Cwo²'o jna pí² tsu ru¹'u' coon¹³ Cristo. Jmaa²'a 'e fo³oo lo tsu 'wii¹³ ru¹'o' coon¹³ Cristo coon¹³ la joon ijløø¹³'na.

21 Síi³'na 'e jí² lo tsu tsáai¹-tsi 'e jo'on jmaa²'a nũũ¹³'ũn pe ijmaa²'a 'láai¹gi la gamí³ii. **22** Mí³ii jon 'e tya²'a tyú² li jóon³oon. Líi²'na icwo¹ Dios 'e yajøø³'na 'naa' tsu 'wii¹³ júu³ tyú² 'e gafaa²'aa' 'wii²¹² tyiia.

Júu³ li tséi¹

23 Síi¹'i jon Epafraas 'aa²¹²mo'o. 'li 'yuui¹ 'nũñí³ coon¹³ jna jon 'wii¹³ tya' cwáain¹ tya' Cristo Jesús. 'Aa²¹²mo'o jon jin² **24** Marcos coon¹³ Aristarco coon¹³ Demas coon¹³ Lucas 'in taain²¹² jmoo¹'o to² coon¹³on.

25 Cwouncwaai³ Ña'ñũ¹'ũ' Jesucristo 'naa'. Amén.